



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-38-50/23
Datum: 13.12.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, br. 56/08), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22), Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka javne nabavke**

Član 1.

Poništava se postupak javne nabavke **klima uređaja za Centar**, objavljen na Portalu javnih nabavki Bosne i Hercegovine, broj Obavještenja o nabavci 1110-1-1-46-3-68/23 od 20.9.2023. godine, koji je proveden otvorenim postupkom.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke klima uređaja za Centar (u daljem tekstu: Komisija) je konstatovala da su do roka za prijem ponuda 18.10.2023. godine do 10:00 sati na protokol Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristigle ukupno tri (3) ponude i to od ponuđača: TERMOPIIL d.o.o. Banjaluka, ENERGO CENTAR d.o.o. Trn-Laktaši i „A/C servis“ Bojan Golemović s.p. Banjaluka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-38/23 od 6.11.2023. godine, u kojem su obrazloženi razlozi za izbor najpovoljnijeg ponuđača. Po izvršenoj analizi ponuda i održanoj e-aukciji, u postupku sa kriterijumom najniža cijena, Komisija je tom prilikom utvrdila da ponuda ponuđača ENERGO CENTAR d.o.o. Trn-Laktaši u ekonomskom i tehničkom smislu u potpunosti zadovoljava zahtjeve Agencije, te je dala preporuku da se donese odluka o izboru ovog ponuđača za najpovoljnijeg. Na osnovu prijedloga Komisije Agencija je donijela Odluku o izboru



najpovoljnijeg ponuđača, broj 15-03-16-5-38-29/23 od 10.11.2023. godine, kojom je navedeni ponuđač izabran za najpovoljnijeg.

Na navedenu odluku o izboru trećerangirani ponuđač u postupku javne nabavke, „TERMOPIIL“ d.o.o. društvo za klimatizaciju Banjaluka, je dana 24.11.2023. godine dostavio žalbu, navodeći da je Agencija postupak nabavke provela površno i da je povrijedila odredbe Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon).

Postupajući po žalbi Agencija je donijela Rješenje, broj 15-03-16-5-38-42/23 od 28.11.2023. godine, kojim je žalbu žalioaca usvojila i poništila Odluku o izboru najpovoljnijeg ponuđača, broj 15-03-16-5-38-29/23 od 10.11.2023. godine, te poništila rezultate e-aukcije ponuda održane između ponuđača dana 3.11.2023. godine. Ovim rješenjem naloženo je Komisiji da ponovo izvrši pregled i ocjenu ponuda, posebno u pogledu navoda usvojene žalbe, izvrši detaljno poređenje ponuda ponuđača prema zahtjevima Tehničke specifikacije Tenderske dokumentacije i detaljno obrazloži ispunjavanje kvalifikacionih uslova od strane ponuđača postavljenih Tenderskom dokumentacijom, te sačini zapisnik o pregledu i ocjeni ponuda i da preporuku ugovornom organu za donošenje odgovarajuće odluke.

Komisija je, nakon ponovnog pregleda i ocjene ponuda, dana 5.12.2023. godine sačinila Zapisnik o pregledu i ocjeni ponuda, broj 15-03-16-5-38/23, u kojem je konstatovala da nakon detaljnog poređenja ponuda ponuđača prema zahtjevima Tehničke specifikacije Tenderske dokumentacije nijedan od ponuđača ne ispunjava sve zahtjeve u pogledu opisa predmeta nabavke i tehničkih specifikacija. Iz ovog zapisnika se može uočiti da nijedan ponuđen uređaj ponuđača ne ispunjava zahtjeve po pitanju postavljenih uslova u vezi koeficijenta efikasnosti SEER i SCOP. Ostali podaci o neusaglašenosti ponuđenih uređaja detaljno su opisani u ovom zapisniku.

Po provedenim aktivnostima ponovnog pregleda i ocjene pristiglih ponuda i konstatacije da ponuda ni jednog ponuđača u postupku nije prihvatljiva, Komisija je predložila donošenje odluke o poništenju ovog postupka javne nabavke, u skladu sa članom 69. stav (2) tačka d) Zakona.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed